

01 SEPTEMBRIE
RUGACIUNEA
SOBORULUI SF.NOI MUCENICI
SI MARTURISITORI
AI SATURSKULUI

Молитва

О, святии сродницы наши, новомученицы и исповедницы Шатурстии, житием и подвиги светло просиявшии! Вы, Промыслом Божиим на подвиг страдальческий предызбранныи во свидетельство веры Христовы, в годину лютых испытаний Церкви Русския живота вашего не пощадили есте, изволивше муки многия претерпети и самую смерть прияти. Темже, кровьми, яко порфиною, души ваша украсивше, в Горний Сион на крылех страданий возлетели есте и тамо, полк божественный и велий новомучеников и исповедников Российских восполнивше, победныя почести от руки Спасителя прияли есте.

Сего ради ныне, совершающе с любовию память вашу, со умилением взываем: молитесь Господа и Совершителя спасения нашего Иисуса Христа, яко имущии к Нему дерзновение велие, Церкви

Российстей даровати благостояние и крепость,
Отечеству нашему мир и благоденствие, паче же
оградите нас от ересей и расколов,
междоусобных распрей и нестроений.
Ей, угодницы Божии! Милостивно посетите нас,
недостойных чад ваших, суетою мира
рассеянных, верою оскудевших и добродетельми
обнищавших, подвизающе к истинному
покаянию и христианскому жителству. Да
вами, присно соблюдаемыми и наставляемыми,
достигнем вожделеннаго Царства Небеснаго,
идеже вкупе сподобимся прославляти и
воспевати всесвятое Имя Отца и Сына и
Святаго Духа. **Аминь.**